


# d'Räppli



## Fasnacht 2006

In den Basler Schulen wird nur noch Hauchteutsch geschwätzt  
denn unser Dialekt wird von den Schwooben nicht geschätzt.

Damit ihr alle drauss kommt und die Pointen auch gelingen  
tun wir dieses Jahr den ganzen Bank, auf Hauchteutsch singen.

Hesch e'Hund wo bisst und bällt, muesch sofort reagiere  
in Zwinger und e'Muulkorb aa, sunscht kennt eppis basiere.  
An d'Laine muesch en leege, wenn är muess und uuse will  
mit soo Massnahme stellt me jetzt, dr Kampfhund Blocher still.

In dr Migros gits jetzt neyerdings im Sortimänt  
nääbe Budget-Natel, au Budget-Medikamänt  
merggisch dehai, die hälfe nyt, soo muesch nimm wyt laufe  
kasch in dr Migros e grien-wysse, Karton-Sarg go kaufe.

Ääh, y bi nit sicher, ää, ebbs wyter so guet lauft  
ääh, drum han ych nur, ääh, e neue Schleger kauft.  
Dass ych wider gwunne ha, ää, macht mi wiirgglig froo  
mir fraie'n ys jetzt isch d'Martina Hinggis wider doo.

85% vo alle Fraue hänn e digge  
Arsch, und 10% sinn z'dinn, uff dääne kasch kumm ligge.  
5% sinn froo, isch iire Arsch eso guet groote  
drumm schleppe's en uffs Standesamt, und dien en dert hyroote.

Unsere Schwooger g'seht alt us, är möchte sich lifte loo  
well d'Helsana spaart, mues är in d'Schwarzwaldklinik goo.  
Si hänn em z'vyyl Lachgas gä, jetzt duet är nur no lache  
besser gseet är uss, dr'fir isch är jetzt nimm ganz bache.

D'Merkel und dr Schröder liefere sich e Duell  
si isch blond, das sait scho vvyyl und är isch nit so hell.  
Jetzt hänn d'Schwoobe d'Merkel gwäält, mir hänn das halber dänggt  
doch au mit dr Angela, hänn si in d'Schyssi glänggt.

Wotsch vome Amt e Usskunft ha, denn wartsch dert 2-3 Stund  
bis ebber total aabegrampft zue dir an Schalter kunnt.  
Denn s'halbe Personal vo allne Basler Departemänt  
schlycht durch d'Stadt und bättlet in de Gschäfte, um Prozänt.

Mit em Ellebooge ains d'Rippi, d'Fuscht uff d'Schuure  
e Schutt ans Gney, au das macht weh, dr Schiri, dä losst's duure.  
Wäg dääre Vogelgrippe gits jetzt, mir hänn s'letscht mol gseh  
bim schutte nur no rähti Foul, und kaini Schwalbe meh.

